

Hay que convenir que no se concibe mejor vida que la del estudiante.

No hay milicia donde existan más voluntarios.

¡Lástima de una cosa!

Que no pueda uno *reengancharse*.

ANGEL LÓPEZ Y PLAZA.

ZERU-LURREN EGILLEA JAUNGOIKOA

Dantzudanean gitarraren bat
Ederto dabena joten,
Eta elkarregaz bere kordelak
Okastan bardin soñutzen;
Naiz ez ikusi nok joten daben
¿Lotsatuko naz esaten
Suñulari on argien batek
Dabela eskuztatuten?

Erlojucho bat bere badakust
Gelditu baga doiala,
Burpill bakochak urrengoari
Zintzo laguntzen deusala;
Eta orduak marketan bada
Utsik bagako lejala,
¿Erlojugilla on batek ez dot
Usteko egin ebala?

Untzi bat bere ichas zelaitik
Baldin badegu ikusten,
Ekach artean salbauta kaira
Garaitzaz zelan datorren;
Alako gauza uste bagea
Dakusgunean jazoten,
¿Pilloto on bat zala gidari
Bildurtuko naz azaltzen?

Dakusdanean eikidatzar bat
Oso ta guztiz ederra,
Erara ondo bere zatiak
Utsik iñon ez dabela;
Beian, gerrian azkeneraño,
Modu berean doielala,
¿Zeiñek ez dazau maisuren batek
Moldauko ebala orrela?

Gitarra, erloju, ontzi, zeñ obran
Premiña bada maisua,
¿Etzan bearko orren ederrik
Egingo bazan mundua?
¿Etzan bearko obetoago
egingo bazan zerua?
¿Etzan bearko nai eta nai ez
Norbaiten esku altsua?

¿Nun da bestelan soñualdi bat
Berez egoki sortua?
¿Nun da berezko erlojurik ta
Ontzirik berez nun dua?
¿Nun da berezko eikida onik?
¿Nun? nun ¿ezer berezkua?
Zeru ta lurrik etzan izango,
Izan ezbazan Jainkua.

FELIPE ARRESE TA BEITIA.